



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

Fides Christiana charitatem exigit. tit. 43

urn:nbn:de:hbz:466:1-29452

sola fides, inquit, iustificat & saluat, &c. Sed quid hic facit Deus? certissimum est, Qualia sunt opera tua, sic est fides tua.

FIDES CHRISTIANA

charitatem, exigit.

TITVLVS XXXIII.



R Imò notandum, quòd scriptura de nulla alia fide, id est, neq; Iudaica, aut Turcica, aut Gentilicia dicit, aut requirit circa illam charitatem, sicut Christiana fides, de qua dicit Apostolus Galat. 5. quod hæc sit vera, quandò per charitatem operatur. Et August. dicit, quòd dæmonum fides sit absque charitate, sed Christianorum Catholicorum cum charitate. Ideò charitas sola distinguit inter falsam & veram fidem &c.

Secundò, Paulus sic combinat charitatem fidei, quòd asserit omninò fidem inualidam fore sine charitate. 1. Corint. 13. Si habuero omnem fidem, non autem charitatem, nihil prodest. At dices: Quomòdò tunc volunt esse coniuncta, Fides, charitas, spes? Respondeo. Fides fundat se super solam misericordiam promissam propter Christum, charitas famula est, Deseruiens, & proximo propter Deum. Spes est contra desperationem, quæ non confundit, Rom. 8. Hæc autem tria sic sunt connexa, quòd vna virtutum sine altera esse non possit. Vera fides non est absque charitate, vera charitas non absque fide, vera spes non absque fide & charitate. Manent autem nunc in hoc sæculo Fides, Spes, Charitas. Sed maxima harum est charitas, eò quòd ornat fidem & spem. Subindè, quòd diuturnior, id est, perpetua: hinc enim incipit, & apud beatos erit perfectior. Summa, charitas nunquam excidit, 1. Corinth. 13. Ergò fides & spes, neque aliter virtute

virtutes profunt sine charitate. Ideò dicitur, quòd charitas est forma, id est, ornatus virtutum.

Tertio, inquis: Penes quid cognoscam fidem esse cum charitate, aut sine charitate? Respon. Ex fructibus charitatis, quos enumerat Paulus, 1. Corin. 13. inquis: Charitas patiens est, benigna est, id est, non se separat à proximo, non se diuidit ab Ecclesia, non æmularur, sicut sectæ contra Catholicos. Non agit perperam, id est, machinatur tumultus Non inflatur sicut hæretici: Non est ambitiosa: Non quærit quæ sua sunt, non irritatur, non cogitat malum, non gaudet super iniquitate, congaudet veritati: omnia suffert, omnia tolerat, omnia credit, &c. Summa. Perpende omnes illas virtutes charitatis, & vide quomodo sectarij laborant contra Catholicos, & reperies quid sit fides sine charitate, & vbi hæ non sunt, ibi fides nihil est. Ob id ergo Catholici discernuntur à sectarijs penes charitatem.

At dices: Etiam Catholici inter se non habent charitatem, ergo nec eorum fides prodest? Respon. Verum. Hæc fides nihil proderit sine charitate, vel extra vel intra Ecclesiam: Ex quo tamen adhuc Catholici coniuncti sunt in vnitæte fidei, & in fide consentiunt facilius conuertuntur ad pœnitentiam propter suffragia aliorum. Sed hæretici cū non consentiunt, neque in fide Catholica, neque inter se, & orationibus Ecclesiæ non iuuantur, ideò peius habebunt.

Quarto, sectariorum ergo fides quoniam extra charitatis vinculum est, tantum valet, quantum fides Iudaica, Turcica, & Gentilicia. Il i volunt credere in Deum sine Christo. At Christus ait Ioan 6. Nemo venit ad patrem, nisi per me. Sectarij volunt credere in Christum sine charitate Christi. At si habuero omnem fidem, inquit Apostolus, 1. Corin. 13. non autem charitatem, nihil prodest, &c. Summa. Vnitætas, quam generat charitas, hanc pensat Deus. Nihil ergo

ergo prodest iactare fidem & dicere, Domine Domine, Mat. 7. Si charitatis præceptum negligitur, Ioan. 15. Hoc est præceptum meum.

QUOMODO OMNES ARTICULI fidei nostræ Christianæ sunt impugnati.

TITVLVS XLIIII.



P O stolus 1. Corinth. 1. inquit: Prædicamus Christū, iudæis scandalum, Gentibus stultitiam, sed vocatis sanctis Dei, virtutem & sapientiam. An ideò fides Christiana falsa est & vana, quòd iudæi & gentes non credunt? Romanor. 3. absit. An ideò fides relinquenda est, quia aliqui hæretici, gentes & iudæi eam negant, atque Sacramenta, pia opera, & id genus alia? Absit: est enim Deus verax, omnis autem homo mendax, Psalm. 115.

Primum articulum fidei nostræ, Credo in Deum patrem omnipotentem, creatorem cœli & terræ, visibilibus & invisibilibus creaturarum, &c. negant gentes, multos Deos fingentes. Psalm. 95. Omnes dii gentium dæmonia. Et 1. Thessal. 4. sicut gentes, quæ Deum ignorant, totum igitur articulum fidei, & primum, Credo in Deum patrem omnipotentem &c. negant gentes. Secundum articulum, scilicet, credo in Iesum Christum filium eius unicum, Dominum nostrum, negant iudæi, & dicunt simpliciter Luc. 19. Nolumus hunc regnare super nos, & per consequens negant omnia, quæ adherent huic articulo, quòd conceptus sit de Spiritu sancto, Lucae 2. Natus ex Maria virgine, & quòd passus sit pro salute generis humani, sub præsentia Pontij Pilati, mortuus & sepultus, quòd resurrexit tertia die, quòd ascendit in cœlos, & sedet ad dexteram patris omnipotentis, & inde venturus